

اُردو سنی

نومرو ۲۷

پنجشنبہ

۱۹ مارت ۱۳۲۴

جریاتی قطعاً منع ایدہ جک مؤسسات و موضوعاتی محافظہ ایدیورز. قویله ،
 غالبیت تأمین ایدن قابلیاتک استعمالی منع واولرک ضعفا اوزرینه غلبه طبیعیہ سی
 مستلزم اعدام بر جرم عد ایلہ بورز .

حاصلی بتون حیاتز ، بشقہ بر دوردن مستعار اولان وھیج بر نقطہ دن
 افکار حاضرہ مزہ توافق اتمہین فرضیاتہ استناد ایدیور. حیات سیاسیہ مزک
 شکلی ایلہ اساسی آچیق بر تضاد حالندہ در. مدنیت رسمیہ نک حلنہ چالیشدینی
 مسئلہ ، بر مکعبی عین حجمده بر کرہ ایجنہ ادخال اتمکدر. سویله دیکمز هر کله ،
 اجرا ایتدیکمز هر حرکت ، عمق روحزده حقیقت اولدیفنی تسلیم ایتدیکمز
 شیلرہ نسبتله هپ برر یالاندز .

احمد صلاح الدین

تاریخ قانون جزا

حقوق جزائیہ «جمعیت بشریہ نک من طرف الله مراد اولنان امر تمدنہ
 بایدار اولهرق ترقی اتمسی ایچون وضع ایدیلان قوانین احکامی محافظہ ایچون
 اتخاذ ایدیلان قواعد» دن عبارتدر . شو تعریفده مذکور اولان «قوانین سائرہ
 احکامی محافظہ ایچون» عبارہ سی پکده مطلق اولهرق تاقی ایدلمایلدز . زیرا
 شمبات سائرہ حقوقیہ و مثلاً حقوق عادیہ و تجاریہ ده احکام قوانینک حسن
 جریاتی محافظہ ایچون مطلقاً جزا ترتیب اولنمیوب پروتسو وجز کی برطاقم
 تدابیر ده اتخاذ ایدلمکده درک بونلرده محافظه احکام قانونیہ خادمدر .

مجله احکام عدلیہ نک برنجی ماده سنده مذکور اولدینی وجهله «جناب حق
 بونظام عالمک وقت مقدرده دک بقائی اراده ایدوب بوايسه نوع انسانک بقاسنه
 ونوعک بقاسی تناسل وتوالد ایچون ذکور وانانک ازدواجنه منوطدر . برده
 نوعک بقاسی اشخاصک عدم انقطاعیلہ در . انسان ایسه اعتدال مزاجی حسبیله
 بقاده غذا ولباس ومسکنجه امور ضناعیہ محتاج اولور . بودخی افرادی بیننده
 تعاون و اشتراک حصوله توقف ایدر . الحاصل انسان مدنی الطبع اولدیفنندن

حيوانات سازه کي منفرداً يشايه ميوب بسط بساط مدنيتله يکديکړه معاونت و مشارکت محتاجدر. حالوکه هر شخص کډويه ملايم اولان شينی طلب و مزاجم اولان شينه غضب ايدر اولديغندن پينلرنده عدل و نظامک خللدن محفوظ قالسي ايجون برطاقم قوانين مؤبده شرعيه به محتاج اولديني کي امر تمدنک بووجهله بايدار اولسي ايجون دخي احکام جزا تربتي لازم کيشر . ۱۰ اشته شو تعريغدن مستبان اولديغنه نظراً جناب حق بو نظام عالمک وقت مقدره دک بقاسي ضمنتده نوع بشري مدني الطبع اولمق اوزره خلق اتمش اولديغنه مبنی درکه انسان اشبو غايه مقدره به واصل اولمق ايجون اعضاي يکديکړي ديمک اولان سار انسانلرله جمعيت تشکيل ايدهرک حسن معاشرته طبعاً مجبور اولور . جمعيت بشريه نک حسن معاشرته مظهر تي يعنی افرا دی پينند، مشارکت و معاونتک حق وعدله توفيقيله نظام و انتظامک خللدن مخنوظيقي وظائف و حقوق متقابلهرينک تعيینه وابسته اولديغندن شو حقوق و وظائف متقابله بي متضمن برطاقم قوانين وجوده کتيرلمشدر. بناء عليه قوانين مذکور ه نک تعين ايديکي وظائف و حقوق متقابله به بر طرفدن تعرض وقوع بولديني يعنی افراد جمعيتک حسن معاشرت و مشارکتلرينه خلل و ايراث اولنديني تقديرده امنيت و انتظام عمومينک بقاسنه اساس اولان امر تمدنه ايقاع موانع ايدلمش ديمک اوله جغندن جمعيت بشريه نک دخي اوله غايه مقدره سنه وصوله حيولت ايدن موافقي رفع وازاله به بالطبع حق و صلاحيتي نظام ايلر .

حقوق جزا بالاده ده بيان ايلديکمز وجهله احکام قوانيني محافظه ايلر يعنی احکام قوانينک آسایش عامه به تعلق ايدن جهتلرينک انفاذ ني ثامين ايلر . مع مافيه جمعيت بشريه نک انفاذ جزاده حاز بولنديني حقوق طبيعيه نک صور اجرايه سي بالجله حقوق حکمرانينک مرجع و مرکز يکانه سي بولان دولته راجع اولديمندن کرک هيئت اجتماعيه نک عموميت اوزره حقوقيه و کرک افراددن برينک عرصنه، مال و جاننه سوء قصد و وقوعنده ايجاب ايدن تعذيرک تربتي امر اولي الامر راجع اولديني کي بو تعذيرک درجه خفت و شدتي جزا قانوننامه سنک احکاميله تعين اولنور .

قوانین جزائیه اساساً ایکی قسمه منقسمدر : برنجیسی جرم عد اولنان افعالك نهدن عبارت اولندیغنی و بونلری ارتکاب ایدنلر حقننده نهکی مجازات ترتیب اولتیق لازم کلهجکئی تعین ایلان قوانیندرکه بونلرکده باشلوجهمی سرلوحه مزئی تشکیل ایلان جزا قانوننامه سیدر . بوندن ماعدا بعض جرائم خصوصیه متعلق دیگر قوانین دخی . وجوددرکه عسکری جزا قانوننامه سی ، مطبوعات نظامنامه سی ، رژی و تمغا و رسومات نظامنامه لری کئی قوانین و نظامات بوقیلدندر . حقوق جزائیه نك ایکنجی قسمی ده ارتکاب اولنان جرائمک فاعلاری نه یولده تحری و دردست اولنوب جرم لری نك نه صورتله نبوتی لازم کلهجکئی تعین ایلان (اصول محاکمات جزائیه) قانونیدر .

قانون جزا افعال جرمیه به متعلق ایله آنلری تعداد و هر بری ایچون آیری آیری جزائر وضع و ترتیب ایلر . اصول محاکمات جزائیه ایسه بوجزائی انفاذ ایچون نهکی اصوللرک اتحاد اولنسی لازم کلهجکئی ارئه ایدر . الحاله هذه المزمده بولنان جزا قانوننامه سی ۱۲۷۴ سنه سی ذی القعدة سنك ۲۸ نجی کونی نشر و اعلان اولمشدر . فقط بوندن اول دخی ایکی قطعه جزا قانوننامه سی دها نشر اولمش ایسده ، مرور زمان ایله احکام مندرجه لری نك احتیاجات زمانه کوره عدم کفایتلری تبین ایلمسندن طولانی لغو ایدمشلردر . بونلرک برنجیسی سلطان عبدالحمید دورنده ۱۲۵۶ سنه سنده نشر اولمشدر . ذاتاً تشکیلات عدلیه مزك زمان بدای هر حالده تنظیمات خیره نك اعلانی تاریخیدر . اشبو برنجی قانوننامه صورت ترتیب و تنظیمی اعتباریله امنیت جان و مال و محفوظیت عرض و ناموس مواد ثلثه اساسیه سنه بنا اولندیغندن افعال قبیحه جزائیه اولا دولت و مملکت حقننده ایقاع ایدیله جك فسادات ایله قتل نفوس فمللری و ثانیاً افرادك جان و مال و املاکی حقننده وقوع بوله جق غصب ماده لری و ثالثاً عرض و ناموسه ایدیله جك تعرض جنحه لری اولمق اوزره تعداد و تفصیل اولمشدر . بونلره دائر درجات متفاوته اوزره مجازات تعین اولندقدن صکره اموال امیریده سوء استعمال و قوعی و اشخاص جرح و ضربی حقننده ده بدض احکام درج

اولنشدركه بونلر صرف قانون جزا مندرجانيدر . بوندن ماعدا بومقوله افعالدن تولد ايله جك دعوالرك مرچي و صورت رؤيتي حقننده اصول محاكمه متعلق بعض مواد قانونيه درج اولنشدرد .

اشبو جزا قانوننامه سي حد ذاتنده محدود اوله رق پك چوق مواد جرميه ايچون جزايي متضمن اولديني كي حقوق عايله دن اولان برطاقم معاملاتده جزا ترتيب ايلمس اولديغندن مرور زمان ايله مواد مندرجه سنك تعديل لزو مي حس اولنهرق ۱۲۶۷ تاريخنده برايكنجي جزا قانوننامه سي ترتيب ونشر اولنشدرد . بوايكنجي قانون دخي مواد ثلثه مذكوره اساسي اوزرينه مبتني بولميس ايسده مأمورينه قارشو مخالفت ايدنلر حقننده جزا ترتيب ومأمورينك افراده قارشو حسن معامله ايتلمري آريجه ذكر ونصريح اولنديني كي ساخنه كارلق ، حرف اندازلق ، قيز قاجرمق كي افعال ممنوعيه دائر بعض احكامي محتوي بولنشدرد . فضله اوله رق محبوسيندن خسته ومعلول اولانرك خانهلرنده اقامت ايله تدوي ايدلمري و فقرادن بولان محبوسلرك اموال اميره ايله اتفاق واعاشه قلملري كي برطاقم مواد انسانيتورانه ني حاوي اولديني كي غلام وجاويه لرك صاحبلمري طرفندن تادياب اولنيوب قانوناً مجازات ايدلمري ده آريجه ذكر ايدلمشدر . «قانون جديد» تسميه اولنان اشبو ايكنجي جزا قانوننامه سنك مقدمه سي بوجه آتي ايدى :

«جمله يه معلوم اولديني اوزره (۱۲۵۵) سنه سي شعبان شريفنك ۲۶ نجى كوني شرف افزاي صحيفه سنوح و صدور بيوريه رق كلخانه ده قرائت اولنان خط هايون شاهانه ده منصوص اولان مواد ثلثه كه امنيت مال وجان ، محفوظيت عرض وناموسدر - بونلر اساس عديم الاندرا س شرع شريف اوزرينه مبق اوله رق نقليات دهر يه ايله قابل تغير وتزلزل اوله ميه جني دركاردرد . فقط بونلره متفرع اولوب اتفاق ارا ايله وضع وتأسيس بيورلمس اولان قوانين جزائيه نك حادثات كونييه تطبيقاً ومزاج مملكته توفيقاً وقت بوقت تخفيف واتشديدو تسهيل وتطبيق وتوسيع وتقليل ايله تعديل ايجاب ايدمجي قضايي مسلمه دن اولمق حسبيله مؤخرأ وجوده كلان بعض حادثه نك اصل جزايي ناموجود و جزايي

موجود اولان بعض حادثه‌نك دخی تقلبات دهریه‌نك مخالفتی ایله اجرای جزا سنده
تعمیر رونمون اولدیغندن بوخصوصله دائر حالاً واستقبالاً کسب تعمیر ایتیمه‌نك
وجهه اتفاق آرا ایله بالدفعات قرار گیر اولان مواد تزییل ایدیله‌نك (فصل جان)
و (فصل عرض و ناموس) و (فصل مال) اولان اساسه مبنی اوج فصله حصراً
ماده‌لری ترقیم و تنظیم اولمیشدر .

اشبو مقدمه‌نك مطالعه‌سندن اکلاشیله‌دینی اوزره احکام جزائییه‌نك مرور
زمان ایله حاصل اولان تجاربه مبنی بمضاً تعدیل و یا تشدید و بمضاً موضوع اولان
احکام جزائییه‌نك اساس عامیه جهت املی کوربله مدیکندن ناشی لغوی و بمضاده
آسایش عامیه امراضی متحقق اولان حالتانك قانوناً زجر و منعی لزومی حس
ایدیلدیکی جهتله قوانین جزائییه‌نك دخی ترقیات مدنییه نسبتله اصلاح احکامی
طبیعت مصلحت اقتضاسنددر . شواحباً بانه مبنی « قانون جدید » دیلان بوقانونك
دخی وضع و نشرندن طقوز سنه صکره یعنی ۱۲۷۶ ناپنجنده احتیاجات مدنییه‌نك
عدم کمائی اکلاشیله‌رق صولك دفعه اولمق اوزره المزد بولنان جزا قانوننامه‌سی
ترتیب و تاریخ نشرندن بوگونه قدر مرور ایدن مدت نظرندده حاوی بولندی
احکام تعدیل و اصلاح و مجدداً يك چوق ماده‌لر علاوه و تزییل قلمبشدر .
قانون جزا منر شو علاوله‌لر بله عتیق و جدید جزا قانونلر بله نسبتله يك زیاده توسع
ایلمش ایسه‌ده بالاده‌ده ذکر اولندینی اوزره اسی عدییم الاندراس شرع شریف
اوزرینه مبنی اولان امنیت جان و مال و محظوظیت عرض و ناموس ماده‌لر بله استناد
ایدیریله‌رك تنظیم قلمبشدر . مع مافیه بونار بخدمه محاکم عدلییه‌نك و قوانین سائره‌نك
عدم موجودیتندن و نظریات جزائییه حقنده هنوز بر فکر مخصوص ایدیلنه‌مامش
اولدیغندن جزا قانوننامه حاضر منر طوغربدن طوغرییه ترجمه و بعض احکام
شرعیه تدقیق ایدلمك صورتبله قلمه آلمش و اکثر موادینك طرز تحریری ایله
مندرجات سائره‌سی دیگر قانونلر منر احکامه قلمه مخالف بولمیشدر . از جمله
حقوق شخصیه جمله‌سندن بولنان ضرر و زیان ایله اصول محاکمه به تابع اولا بعض
معاملات نصلسه قانون مذکورده اذخل ایدلمش اولدیغندن تطبیقاتده تشوش معاملاتی

موجب بولند یغندن شمیدیکی جزا قانوننامه مزك دخی باشند باشه محتاج تعدیل و اصلاح بولندینی آزاده اشباهدر .

مکتب ملکیه ، آذونلرندن

ابراهیم احسان

مسئله شرقیه

۶ .

عین شرائط ایله عین تکلیف باب عالی یه ده تبایغ ایدیله جك ، عدم موافقت جوابی اعطا ایدلرکی تقدیرده دولت عثمانیه اراضینك فرانسه ایله روسیه بیتنده کیف مایشا تقسیمی مسئلهسی موضوع بحث اوله جق ایدی . شو تقسیم مسئله مهمهسی شایان دقت بر صورتده ترتیب و تنظیم ایدلشدی . متوسط استیدیکی زمان تأخیر ویا تعجیل ویاخود تدریجی صورتده موقع فعله وضع ایده جکفی تصریح ایلمککی احوال ایتماش ایدی .

اشبو تیسلیت معاهده نامه سنك عقدنده هر نه قدر طرفینجه بعض جزئیات قیلندن اولق اوزره حسن نیت اراز ایدلدیسه ده اساساً عقیدینی متعاقب انحلالی آشکار بر حالده رونما اولمقده ایدی . اشته حسن نیتدن تمامیله عاری بولسان اشبو معاهده نامه نك همان عدم موفقیته دوچار اوله رق اعمیتدن ساقط اولمیك طبیعی ایدی معاهده نامه نك عقیدینی متعاقب طرفینده کوریلن خواهش و مسرت تعریفدن مستغنی بر حالده ایدی . آلکساندرک خوشنه کیمین فرانسه سفیری جنرال « ساواری » Savary همان عزل ایدیله رك یرینه Caulaincourt قولنقور تعیین واعزام قانندی .

موسیو دو قولنقور روسیه سرای امپراطور یسنده يك زیاده مرعی الخطا طرایدی . معاهده نامه احکامنی موقع فعله قویق استدیله ، انکلتراهیه الکساندر تکلیف واساطنده بولندی فقط لوندره قابینه سی روسیه امپراطورینك اشبو تکلیفنی کمال شدتله رد ایلدی . بونك اوزرینه روسیه تکمیل لیا نلرینی انکلیز تجارته ، کیملرینه سد